

Uorden da santeri e da satradas  
per la vischnaunca da Pitasch

---

Sin fundament dalla ordinaziun cantunala davart ils fatgs da sepultura dils 14 da mars 1977.

Art. 1  
(survigilonza)

La suprastonza communal surveglia il santeri e las fossas sco era las sepulturas.

Art. 2  
(uffeci civil)

Igl uffeci civil retscheiva las annunzias da mort e meina la controlla dallas satradas.

Art. 3  
(controlla)

La controlla sur dil santeri e las fossas sco era il nummerar quellas ei caussa dalla suprastonza communal. Persuenter ei da menar ina exacta controlla en in cudisch special.

Art. 4

(satrada da persunas jastras)

Satradas da persunas jastras, buca burgheisas e buca domiciliadas en vischnaunca, ein subordinadas al consentiment dil president communal tenor norma usitada dalla suprastonza communal. Per tals cass sto vegnir surdau al president in extract dil register da defuncts dil liug nua che la persuna ei morta, la lubientscha da sepultura ed il pass da bara. Per persunas che vegnan anfladas mortas ni che mieran sin intschess da vischnaunca, era sch'ellas eran buca sesentas a Pitasch sto vegnir dau la lubientscha da satrar a Pitasch.

Art. 5

(fossas, grondezia, durada)

Tut las fossas vegnan cavadas en roda, da mintgamai 2 casas, ina suenter l'otra en retscha, per affons sut 7 onns che van aunc buc a scola e per urnas en retschas separadas.

Denter las fossas ei da tener ina distanza da silmeins 30 cm. La profunditad dallas fossas munta sin 150 cm per carschi, sin 120 cm per affons sut siat onns ed 80 cm per urnas. Negin fossa astga vegnir aviarta avon ina durada da 20 onns, priu ora talas per urnas ni els cass previ digl uorden cantunal. Sch'il plaz dil santeri lubescha, duei la durada per las fossas cuzzar 25 onns.

Art. 6

(restrenschidas)

En ina fossa sa vegnir satrau mo ina bara, priu ora il cass ch'ina piglialaunca vegni satrada cun siu affon.

Art. 7  
(taxas)

Per cavar e curclar las fossas ei da pagar ils cava-fossas suenter tariffa fixada. La vischnaunca sa separticipar cun ina contribuziun vid quella taxa, mo sa era decider da sur-schar quella totalmein al privat. Per personas buca sesentas el vitg separticipescha la vischnaunca en mintga cass buca vid talas taxas. Resalvadas ein determinaziuns dalla lescha cantunala.

Taxa fixada:	La vischnaunca	sfr. 100.--
	Il privat	sfr. 50.--

Art. 8  
(monuments, circumdaziuns)

Tuttas fossas ein enteifer 8 meins da circumdar cun ina rama da crap ni cement en ina mesira unica da ca. 180 x 60 cm per fossas grondas e da ca. 80 x 40 cm per fossas pintgas entras ils parents ni responsabels. Monuments ein buca obligatorics, dein denton buca survargar in'altezia da ca. 110 cm sur tiara.

Monuments e ramas ch'ei ord diever ein da transportar naven dil santeri enteifer 3 meins. En cass cuntrari po la suprazonza communal disponer sin donn e cuost dils responsabels ni sa visar tals cun ina brev recumandada, schilunsch ch'els ein enconuschents, cun in davos termin d'in meins. Vegn era quel buca observaus crodan tals monuments e ramas en possess dalla vischnaunca e la suprazonza communal po disponer suenter liber maun leusura. El suranumnu avis sto vegnir menziunau, che las ramas e monuments crodan suenter in meins en possess dalla vischnaunca.

Art. 9  
(Fossas privatas)

Fossas privatas ni da famiglia astgan buca vegnir concedidas.

Art. 10  
(reglas da tucrar e da sepultura)

Las sepulturas han ordinariamein liug denter las 12.00 e las 14.00 uras. Sepulturas ordeifer quellas uras e senza tuchiez han liug per regla per affons buca battegiat.

Tier tuttas sepulturas, cun las excepziuns suranumnadas, era sche las baras vegnan transportadas ord vischnaunca, vegn tucrau sco suonda:

- a) L'enzenna, ca. 10 minutas avon la sepultura, vegn tucrada cul zenn grond.
- b) Ils cuors e da sepultura vegn tucrau d'ensemien, priu ora il cass suenter cefra d). Mintgamai entscheiva resp. cala il suadont zenn:

Per affons il zenn pign, per dunnas il pign e per umens il grond.

- c) Vegn ina bara transportada en vischnaunca ni ord vischnaunca vegn tucrau d'ensemien.
- d) Per affons battegiat tochen cul cumplenu 7-avel onn vegn tucrau ils cuors mo cul zenn pign.

e) Ils cuors (tuccar 3 x) vegnan tuccai avonmiezdi mo inagada allas 8.00 entochen las 8.30 uras cun 2 interrupziuns da ca. 5 minutas. Quei per carschi d'ensemien e per affons il zenn pign sco da sepultura.

Art. 11  
(transport)

Per il transport dalla bara stat il port e la cozza da bara a disposiziun.

Art. 12  
(affons)

Il santeri ei scumandaus per affons senza accompignament da carschi ni senza raschun.

Art. 13  
(uorden e plontas d'ornament)

Plontas d'ornament astgan buca haver pli gronda dimensiun che la larghezia dalla circumdaziun dalla fossa. Rosers e semegliants ornaments ein mintgamai da tagliar anavos sin tala dimensiun. Ils parents ein obligai da tener las fossas en bien uorden. Cass cuntrari sa la suprastanza communal a disponer sin donn e cuost dils responsabels.

Art. 14  
(rufids)

Rufids, sco jarvas, ragischs, spinas, crappa ect., ein da deponer el liug destinau persuenter.

Art. 15  
(survegliada)

En cass senza caluster ei la suprastanza communal l'istanza da controlla.

Art. 16  
(nunprevediu)

En cass buca descrets e buca previ decida la suprastanza communal el senn dal present uorden, sco era el senn dalla concernenta lescha cantunala.

Art. 17  
(surpassaments)


Surpassaments da quei uorden vegnan castigai dalla suprastanza communal cun 5.-- entochen 50.-- francs.

Quei uorden ei vegnius approbaus dalla radunonza communal dils 26 da mars 1988. El remplazza tuttas appartenentas decisiuns d'entochen da cheu e passa en vigur cun l'approbaziun entras il departement da sanitad Grischun.

Pitasch, ils 26 da mars 1988

Il president communal:

Igl actuar communal:



Approbada dil departement da sanidad Grischun.

Cuera, ils da